

Láhka

ráfáidahtton elliid dagahan vahágiid ovddalgihtii eastadeamis ja buhttemis 14.1.2022/15

Riikkabeivviid mearrádusa mielde mearriduvvo:

1 lohku

Oppalaš njuolggadusat

1 §

Lága ulbmil

Dán lága ulbmilin lea:

- 1) eastadit ráfáidahtton elliid dagahan vahágiid;
- 2) buhttet ráfáidahtton elliid dagahan vahágiid;
- 3) ovddidit šlájaid-suodjaleami;
- 4) lasihit luonddu-suodjaleami dohkálašvuoda.

2 §

Guoskadansuorgi

Dán lágas mearriduvvo dain ákkastallamiin ja meannudemiin, mat doahttaluvvojit ruđaid miediheamis stáhtabušehtti vátidojvvon mearreruđaid rájiid siste:

- 1) ráfáidahtton elliid dagahan vahágiid ovddalgihtii eastadeapmái;
- 2) ráfáidahtton elliid dagahan vahágiid buhttemii;
- 3) boazodoalu doarjumii goaskima boazodollui dagahan vahágiid buhttema várás boazodoalolága (848/1990) 2 §:s dárkkuhuvvon boazodoalloguovllus;
- 4) guolledoalu doarjumii guollegoaskima bessema vuodul.

3 §

Eurohpa uniovnna stáhtadoarjjaláhkaásaheami guoskadeapmi

Juos veahkki, buhtadus dehe doarjja miediuvvo ekonomalaš doaimma bargi fitnodahkii, almmosorganisašuvdnii dehe eará servosii, guoskaduvvo dasa lassin Eurohpa uniovnna stáhtadoarjjamudden, juos Eurohpa uniovnna láhkaásaheamis ii eará čuovo.

Veahkki ja buhtadus miediuvvo komišuvnna diehtunaddimis eanan- ja meahccedoallosuorggi ja dálanguovlluid stáhtadoarjaga háltelinnjain (2022/C 485/01) dárkkuhuvvon, háltelinnjaid ráidduid 1.1.1.1. dehe 1.2.1.5. mieldásaš stáhtadoarjjan. Doarjja, mii vuodđuduvvá guollegoaskima bessemii, miediuvvo Eurohpa uniovnna doaimmas dahkkon soahpamuša 107 ja 108 artihkkala guoskadeamis doarjagii, mas lea unnán mearkkašupmi, guolástus- ja čáhcegilvinsuorggis addojuvvon komišuvnna ásašusas (EU) N:o 717/2014 dárkkuhuvvon doarjjan, mas lea unnán mearkkašupmi. (22.11.2024/669)

Dieduid addimis ja diedihanmeannudeamis mearriduvvo muhtin stáhta doarjaga guoskevaš Eurohpa uniovna njuolggadusaid guoskadeamis addojuvvon lága (300/2001) 2 §:s ja doarjja-dieduid almmustuhttin- ja rabasvuohtageatnegasvuodas 2 a §:s.

Dárkkit njuolggadusat veahki, buhtadusa dehe guollegoaskima bessema doarjaga miediheamis, miediheami eavttuin, máksimis, geavaheamis ja eallinvuoibmeguovddáža sihke veahki oážžu geatnegasvuodain sáhttet addojuvvot stáhtaráđi ášahusain doahhtalettiin, mii 2 momeanttas namuhuvvon háltelinnjain mearriduvvo ja namuhuvvon momeantta ášahusas mearriduvvo. (27.6.2025/810)

4 §

Meroštallamat

Dán lágas dárkkuhuvvo:

1) *ráfáiduhtton elliin* luonddusuodjalanlága (9/2023) vuodul ráfáiduhtton, luonddusealli loddi ja njiččehas; (22.11.2024/669)

2) *vehkiin* stáhta váriiguin miediuvvon guorahallanvuloš ruhtadeapmi ráfáiduhtton elliid dagahan vahágiid ovddalgihtii eastadeapmái;

3) *buhtadusain* stáhta váriiguin miediuvvon guorahallanvuloš ruhtadeapmi ráfáiduhtton elliid dagahan gilvin- ja eallivahágiid buhttemii;

4) *doarjagiin* stáhta váriiguin miediuvvon guorahallanvuloš árvvoštallojuvvon ruhtadeapmi daid vahágiid buhttema várás, maid goaskin dagaha boazodollui ja guollegoaskin guolledollui.

2 lohku

Eiseválddit ja daid barggut

5 §

Birasministeriija barggut

Dán lága mieldásaš doaimma almmolaš stivren, čuovvun ja ovdánahttin gullet birasministeriijai.

6 § (27.6.2025/810)

Eallinvuoibmeguovddáža barggut

Eallinvuoibmeguovddáža bargun lea:

1) ráfáiduhtton elliid dagahan vahágiid ovddalgihtii eastadeami ovddideapmi;

2) vahátdiedáhusaid buhtadus-, doarjja- ja veahkkeohcamušaid sihke daidda čuohcci njulgengáibádusaid giedahallan ja čoavdin;

3) veahki, buhtadusa ja doarjaga ollahuhttinbarggut ja neavvun, bagadallan, diediheapmi ja bearráigeahčču, mii daidda gullá.

Doaibmaválddalaš stáhta eiseváldi lea dat eallinvuoibmeguovddáš, man doaibmavuovllus vahát dáhpáhuuvá. Lappi eallinvuoibmeguovddáš giedahallá ja mearrida dattetge doarjagis, man vuodđun leat ohcamušat goaskima bessemis ja Gaska-Suoma eallinvuoibmeguovddáš mearrida doarjagis, man vuodđun leat ohcamušat guollegoaskima bessemis.

7 §
(27.6.2025/810)

Barggolašvuohta-, ovdánahttin- ja hálldahusguovddáš barggut

Barggolašvuohta-, ovdánahttin- ja hálldahusguovddáš dikšu vehkiid máksima ja ruovttoluottaberrama stáhtaveahkkelága (688/2001) 12, 19, 21 ja 22 § mieldásaš bargguid. Barggolašvuohta-, ovdánahttin- ja hálldahusguovddáš dikšu doaibmaválddalaš eallinvuoibmeguovddáša olis maid namuhuvvon lága bearráigeahččobargguid 15 § mielde.

8 §

Meahciráđdehusa barggut

Meahciráđdehusa bargun lea:

- 1) goaskimiid bessendili ja čivgabuvttu čilgen jahkásaččat 23 §:s dárkkuhuvvon goaskimiid reviiiraguovdasaš gerddoniid rehkenastima várás;
- 2) Suoma ja nuppi stáhta ráji goappašiid beliide olli reviiiraid meari čilgen ja dárbbu mielde árvvoštallan.

9 §

Gieldda eiseválddi barggut

Gieldda dálonguovloealáhuseiseválddi bargun lea gilvinvahága gávnaheapmi ja árvvoštallan.

Doaibmaválddalaš lea dan gieldda dálonguovloealáhuseiseváldi, man guovllus vahát dáhpáhuva.

3 lohku

Veahkki vahágiid ovddalgihtii eastadeapmái

10 §
(27.6.2025/810)

Veahki ulbmil

Eallinvuoibmeguovddáš sáhtá miedihit veahki 15, 21 ja 26 §:s dárkkuhuvvon vahágiid sihke visttiide šaddan vahágiid ovddalgihtii eastadeapmái stáhtabušehtas čujuhuvvon mearrerudaidda rájiid siste. Veahkki sáhtá miedihuvvot gálvvuid ja bálvalusaid háhkamii sihke dutkamuššii ja ovdánahttinbargui.

11 §

Veahki ohccit

Veahkki gilvin- ja eallivahágiid sihke goaskima boazodollui ja guollegoaskima guollešaddadanlágádusaide dagahan vahágiid ovddalgihtii eastadeapmái sáhtá miedihuvvot lunddolaš olbmuid, fitnodagaide ja eará servošiidda earret stáhta girjedoalloovttadagaid.

Visttiide šaddan vahágiid ovddalgihtii eastadeapmái sáhtá miedihuvvot veahkki lunddolaš olbmuid ja eará servošiidda earret stáhta girjedoalloovttadagaid.

12 §

Veahki miediheami eavttut

Veahki miediheami eaktun lea, ahte ovddalgihtii eastadandoaimmat vurdojuvvojit unnidit vahágiid čuovvumušaid ja unnidit daid riskkaid. Dasa lassin eaktun lea, ahte veahkkeoažžu ii leat ožžon eará almmolaš ruhtadeami seamma doibmii. Veahkki sáhtá gokčat goluid muhtimassii dehe ollásit.

Stáhtarádi ášahusain sáhttet addojuvvot dárkkit njuolggadusat veahki miediheami eavttuin sihke veahkkeoažžu geatnegasvuodain.

13 §

Veahki mearri

Miedihanvuloš veahki mearri vuodđuduvvá gálvvu ja bálvalusa goluide, main lea árvolassivearru. Veahki mearri vuodđuduvvá dattetge goluide árvolassivearu haga, juos háhkan gullá fitnodaga dehe gieldda geahpideapmái dehe máhcaheami vuoigadahttin doibmii.

4 lohku

Buhtadusat šaddan vahágiin

14 §

Buhtadusa miediheami oppalaš eavttut

Buhtadus máksojuvvo vahátdáhpáhusa njuolggočuovvumuššan šaddan vahágiin stáhtabušehtas čujuhuvvon mearreruđaid rájiid siste. Juos buhtadus ii sáhte máksojuvvot bušehta olis dievasmearálažžan, buhtadusa mearri unniduvvo buot buhtadusa oažžuin seamma gori mielde.

Buhtadusa mearri rehkenastimis váldojuvvo geahpádussan vuhtii eará lálkaásaheami dehe dáhkádusa vuodul buhtadus, mii ožžojuvvo vahátdáhpáhusas.

Vahátgillájeaddji galgá govttolaš vugiid mielde, mat lea anus, viggat eastadit vahága šaddama dehe dan viiduma. Ovddabealde 3 logus mearriduvvon veahkki ii jávkat buhtadusa oažžu geatnegasvuoda viggat eastadit vahága šaddama dehe dan viiduma.

Buhtadus sáhtá hilgojuvvot dehe dat sáhtá vuoliduvvot, juos vahátgillájeaddji lea almmá dohkálaš ákka haga gieldán dakkár doaibmabiju ollahuhttima, mainna livččii sáhtán eastaduvvot vahága šaddan dehe dan viidun, dehe muđuid váikkuhan buhtadusohcamušas dárkkuhuvvon vahága šaddamii dehe dan viidumii.

15 §

Buhttenvuloš vahágit ja buhtadusa oažžu

Gilvinvahágin sáhtá buhttejuvvot ráfáiduhtton elliid bealdduide, šaddogárdái, veságárdešaddansadái ja čoggojuvvon šaddui dagahan vahát. Buhtadus gilvinvahágis sáhtá máksojuvvot eanadoalu álgobuvttadusas doaibmi fitnodahkii.

Eallivahágin sáhttet buhttejuvvot ráfáiduhtton elliid buvttadaneallái dehe šibihii šaddan vahát earret goaskima boazodollui ja guollegoaskima guollešaddadanlágádusaide dagahan vahágit.

Doarjagis boazodollui ja guolledollui goaskima ja guollegoaskima bessema vuodul mearriduvvo 5 logus.

Buhtadus eallivahágis sáhtta máksojuvvot lunddolaš olbmui, eanandoalu álgobuvttadusas doaimmi fitnodahkii ja bálgessii.

16 §

Buhtadusa meari oppalaš ákkat

Buhtadussan sáhtta máksojuvvot eanemusat vaháguvvan opmodaga dohkálaš árvu.

Buhtadus sáhtta máksojuvvot maid buhtadusa ohccái šaddan, vahága čielggadeami dáfus dárbbaslaš ja govttolaš vahága árvvoštallangoluin.

Buhtadus vahágis sáhtta máksojuvvon dan oasis go vahágiid ja goluid kaleandarjahkásaččat oktiirehkenaston mearri manná badjel 170 euro.

17 §

Gilvinvahágiid buhtadusprinsihpat

Gilvinvahágin sáhtta buhtejuvvot eanemusat massojuvvon šattu árvvuin ovttaveardásaš mearri sihke eanemusat vaháguvvan gilvvagárde- ja veságárdešattuid dohkálaš árvvuin ovttaveardásaš mearri.

Gilvinvahága árvu mearrahuvvá Biebmo bearraigeahču jahkásaš fuođđovahátlága (105/2009) 10 § 2 momeantta vuodul gilvinvahágiid buhttemis adnojuvvon dábálaš šattu in ja ovtta dathatti in addin mearrádusaid vuodul.

Vahátsuorggi vealtameahttun dievasmahttin- ja ođđasitgilvimi sáhtta buhtejuvvot eanemusat 100 proseantta gilvimi šaddan dárbbaslaš materiála- ja bargogoluid ollislašmearis. Juos dievasmahttin- dehe ođđasitgilvin ii leat vejolaš, sáhttet buhtejuvvot eanemusat ovttaveardásaš šattu vealtameahttun háhkama golut, mas unniduvvojit seastahuvvan dievasmahttin-dehe ođđasitgilvingolut. Buhtadusaid mearri ii goitge oaččo mannat badjel vahága duodalaš árvvu.

Stáhtaráđi ása husain sáhttet addojuvvot dárkkit njuolggadusat gilvinvahágiid buhtadusprinsihpain.

18 §

Eallivahágiid buhtadusprinsihpat

Eallivahágin sáhtta buhtejuvvot buvttadaneallái dehe šibihii šaddan vahágis eanemusat:

1) goddojuvvon dehe vahága dihte loahpahuvvon ealli dohkálaš árvu dan mielde go fuođđovahátlága 11 § 2 momeantta vuodul mearriduvvo eallivahágiid buhttemis adnojuvvon dohkálaš árvvu in;

2) vaháguvvan ealli dikšumi sáddan eallidálkkodangolut eanemusat ealli dohkálaš árvvu rádjái.

Buhtadusa meari rehkenastimi váldojuvvu geahpádussan vuhtii dat mearri, mainna buvttadanealli sáhtta eará ládje adnojuvvot ávkin.

Stáhtaráđi ása husain sáhttet addojuvvot dárkkit njuolggadusat eallivahágiid buhtadusprinsihpain.

19 §

Gilvin- ja eallivahági in diediheapmi

Vahátgillájeaddji go lea fuobmán vahága ferte dahkat ájahalakeahhtá vahátdiedáhusa eallinvuoibmeguovddášii. Diedáhus gehččojuvvo doaimmahuvvon, go dat lea boahtán eiseváldái. Diedáhussii galget gullat vahátgillájeaddji oktavuohtadieđut sihke diedut gos vahát lea dāhpāhuvvan, vahága dagaheaddjis ja áiggis sihke vahága čuožahagas ja viidodagas. (27.6.2025/810)

Stáhtarádi ásašusain sáhttet addojuvvot dárkkít njuolggadusat vahátdiedáhusa sisdoalus.

20 §

Gilvin- ja eallivahága gávnnahapmi ja árvoštallan

Gilvinvahága gávnnaha ja árvoštallá vahátgillájeaddji bivdaga mielde doaibmaválddalaš gieldda eiseváldi. Eallivahága gávnnaha ja árvoštallá eallinvuoibmeguovddáša dohkkehan sorjjasmeahtun áššedovdi. Árvoštallan galgá dahkkojuvvot ájahalakeahhtá dan maŋnel, go eallinvuoibmeguovddáš lea vuostávdán vahátdiedáhusa ja árvoštallama dahkki bealli lea ožžon dieđu vahágis. (27.6.2025/810)

Eallinvuoibmeguovddáš sáhtá sirdit eallivahága árvoštallanbarggu dakkár beali dikšuma várás, mas leat dárbbalaš dohkálašvuohta ja buoremus eavttut eallivahága árvoštallama várás. Olggobeal árvoštallái guoskaduvvojit rihkusvuoigatvuođalaš virgeovddasvástádusa njuolggadusat go son ollahuhtá dán lágas dárkkuhuvvon barggu. Vahátbuhtadusa ovddasvástádusas mearriduvvo vahátbuhtaduslágas (412/1974). (27.6.2025/810)

Árvoštalli ferte ráhkadit čálalaš čilgehusa vahága mearis ja viidodagas.

Gielda sáhtá bearat dan eiseváldiid dahkan bargguin mávssu. Máksu, mii berrojuvvo gildii, sáhtá leat eanemusat ovtaveardássaš mávssu buvttadeamis gildii šaddan ollislašgoluiguin. Mávssu ákkain mearriduvvo dárkkibut gieldda dohkkehan dávssas. Mávssut leat njuolga bág-gobearrandohkálaččat. Daid bearramis mearriduvvo vearuid ja mávssuid ollahuhttimis addojuvvon lágas (706/2007).

5 lohku

Doarjjaákkat, mat vuodđuduvvet goaskima ja guollegoaskima bessemii

21 §

Boazodoallodoarjaga ákkat, mat vuodđuduvvet goaskima bessemii ja doarjjaoažžu

Boazodollui sáhtá miedihuvvot doarjja goaskima boazodollui dagahan vahágiid vuodul boazodoallolága 2 §:s dárkkuhuvvon boazodoalloguovllus stáhtabušehtas čujuhuvvon mearreruđaid rájiid siste. Juos doarjja ii sáhte máksojuvvot bušehta olis dievasmearálažžan, doarjaga mearri unniduvvo buohkain doarjjaoažžuin seamma gori mielde. Doarjja máksojuvvo bálgesii.

Stáhtarádi ásašusain addojuvvojit dárkkít njuolggadusat goaskima iežas reviierras biebmun atnin bohccuid árvoštallojuvvon árvvus.

22 §

Reviiraguovdasaš boazodoallodoarjja

Goaskima reviiiraguovdasaš boazodoallodoarjja rehkenastojuvvo nu ahte gerdojuvvo goaskima iežas reviierras biebmun adnojuvvon bohccuid rehkenastojuvvon árvi 23 §:s dárkkuhuvvon reviiiraguovdasaš gerddoniin, mii mearrahuvvá goaskima bessendili ja čivgabuvttadusa vuodul.

23 §

Reviiraguovdasaš gerddon

Reviiraguovdasaš gerddon goaskima orrun reviirras lea okta. Juos goaskima orrojuvvon re-
viira buvttada čivggaid, gerddon lea golbma.

Duottarbálgesiin gerddon goaskima orrojuvvon reviirras lea guokte. Juos goaskima orro-
juvvon reviira buvttada čivggaid, gerddon lea vihtta.

Duottarbálgesat leat:

- 1) Bátneđuottar;
- 2) Avvil;
- 3) Gálldoaivi;
- 5) Girru;
- 4) Giehtaruohtas;
- 6) Sápmi;
- 7) Muttošjávri;
- 8) Muotkeđuottar;
- 9) Neakkel;
- 10) Njáv dán;
- 11) Báhcaveaijohka;
- 12) Báišđuottar;
- 13) Sállevárri;
- 14) Váhčir.

Reviiraguovdasaš gerddon Suoma ja nubbi stáhta ráji goappašiid beallái olli reviirras, man
beassi lea nuppi stáhta viidodagas, lea 3 momeanttas logahallojuvvon duottarbálgesiid oasil álo-
hii guokte ja eará bálgesiid oasil álohii okta. Boazodoalloguovllu ráji lulábeallái olli goaskima
reviirras máksojuvvo oassálas doarjja.

24 §

Doarjaga máksin bálgesii

Buhtadus máksojuvvo bálgesii buot 23 §:s dárkkuhuvvon goaskima reviirrain, mat leat
bálgesa siste.

Reviiraguovdasaš doarjja juogaduvvo bálgesiid gaskka, juos reviirra goaskimat gehččojuvvo-
jit atnit bohccuid biebmun mángga bálgesa guovllus. Juos reviira lea muhtimassii duot-
tarbálgesa viidodagas, doarjja rehkenastojuvvo nu ahte adnojuvvo duottarbálgesa reviiraguov-
dasaš gerddon oba reviirras.

25 §

Buhtadus bealljemerkejuvvon bohccos

Bálges máksá iežas oažžun boazodoalldoarjagis bohcco eaiggáda gáibádusas sutnje buhta-
dusa goaskima goddin dehe goaskima dagahan vahága dihte goddojuvvon bealljemerkejuvvon
bohccos.

Juos bálgesa viidodagas ii leat boazodoalldoarjagii vuoigadahtton goaskima bessen dehe
bessema vuodul máksinvuloš doarjja ii govčča 1 momeanttas dárkkuhuvvon boazoeaiggádii
šaddan vahága, boazoeaiggáda vahát buhtejuvvo dađi lági mielde go 18 §:s mearriduvvo.

26 §

Guollegoaskima bessemii vuodđudeaddji guolledoallodoarjja ja doarjaga oažžu

Guolledollui sáhtta miedihuvvot doarjja guollegoaskima guollešaddadanlágádusas šaddaduvvon guliide dagahan vahágiid vuodul stáhtabušehtas čujuhuvvon mearreruđaid rájiid siste. Juos doarjja ii sáhte máksojuvvot bušehta olis dievasmearálažžan, doarjaga mearri unni-duvvo buohkain doarjjaoažžuin seamma gori mielde.

Guolledoallodoarjja sáhtta máksojuvvot guollešaddadansuorggi fitnodahkii.

27 §

Guolledoallodoarjaga ákkat

Guolledoallodoarjja sáhtta miedihuvvot guollegoaskima biebmun geavahan šaddaduvvon guoliid árvvoštallojuvvon árvvu mielde.

Guolledoallodoarjja, mii miedihuvvo guollegoaskima bessema vuodul, árvvoštallojuvvo nu ahte gerdojuvvo guollegoaskima bárramearri guollegoaskinbára ja dan čivggaid bessenáigodagas geavahan ja vaháguhtán šaddaduvvon guoli meriin (kg/bessenáigodat) ja guoli buvttadanhattiin (euro/kg).

Guolledoallodoarjaga árvvoštallojuvvon árvu mearrahuvvá guollešaddadanlágádusa váikkuhanbiirre čivgabeassádagaid meari vuodul. Rehkenastujuvvon árvvu gerddon 10 kilomehtera gaskkas guollešaddadanlágádusas lea okta ja 10–20 kilomehtera gaskkas gerddon lea 0,5. Juos bessejeaddji guollegoaskima bivdoguovllus leat mánnga guollešaddadanlágádusa, doarjja juhkkujuvvo dássalagaid dáid lágádusaid gaskka.

Stáhtaráđi ásaheain sáhttet addojuvvot dárkkat njuolggadusat guolledoallodoarjaga rehkenastinprinsihpain.

6 lohku

Meannudeamit ohcamii ja miediheapmái

28 § (27.6.2025/810)

Veahki ohcan

Veahkki ohccojuvvo doaibmaválddalaš eallinvuoibmeguovddázis ovdal go doarjjavuloš prošeakta dehe doaibmabidju álgá. Veahki ohcamis mearriduvvo dasa lassin stáhtaveahkkelága 9 §:s.

Eallinvuoibmeguovddáš sáhtta bidjat veahki ohcamii ohcanáiggi.

29 §

Veahki ohcamuš

Veahki ohcamuššii galget gullat diedut:

- 1) ohccis;
- 2) prošeavttas ja doaibmabijus, masa veahkki ohccojuvvo;
- 3) prošeavtta ja doaibmabiju ollahuhttima várás dárbbaslaš veahki mearis ja árvolassivearuhis goluin;
- 4) prošeaktii dehe doaibmabidju ožžujuvvon eará almmolaš ruhtadeamis;

5) eará eiseválddiid nohkavaš ja guovtti ovddit vearrojagi veahki ohccái miedihuvvon vehkiin, main lea leamaš unnán mearkkašupmi;

6) earás go 1–5 čuoggás dárkkuhuvvon prošeavtta dehe doaibmabidjui laktáseaddji guovddáš áššiin.

Stáhtaveahki ohcci čilgengeatnegasvuodas mearriduvvo dasa lassin stáhtaveahkkelága 10 §:s.

30 §

Buhtadusa ja doarjaga ohcan

Buhtadus ja doarjja ohccojuvvo doaibmaválddalaš eallinvuoibmeguovddášis. Buhtadus ohccojuvvo almmá ákkahis ájiheami haga vahága gávnaheami maŋŋel. Ovddabealde 5 logus dárkkuhuvvon doarjja ohccojuvvo jahkásaččat maŋemusat golggoamánu 31 beaivvi. (27.6.2025/810)

Ohcamuš giedahallojuvvo almmá ákkahis ájiheami haga dan kaleandarjagi áigge, goas vahát lea dáhpáhuvvan, dehe ájahalakeahhtá dan maŋŋel, juos ohcamuš boahdá nu maŋŋit, ahte dat ii sáhte giedahallojuvvot gažaldatvuloš jagi loahpa rádjái.

31 §

Buhtadusohcamuš

Buhtadusohcamušii galget gullat diedut:

- 1) ohccis;
- 2) vahága dagaheaddjis;
- 3) vahágis ja vahága čuožáhaga árvvus;
- 4) vahátbáikki sajádagas;
- 5) doaimmain, maiguin vahát dehe dan viidun lea viggojuvvon eastit;
- 6) ohcci gildii dehe eará beallái máksojuvvon árvvoštallanguin;
- 7) ohcci vejolašvuodas oažžut vahágis buhtadusa dáhkádusas dehe eará ákkain;
- 8) ohccojuvvon buhtadusa sturrodagas.

Buhtadusohcamušii galget laktojuvvot duhtosat šaddan materiála- ja bargogoluin.

Juos vahága mearri sáhtá gávnnahuvvot easka čuoŋvovaš šaddanáigodagas, ohcamuš galgá dán oasis dievasmahttojuvvot lassičilgehusain, mii duodašta vahága meari. Lassičilgehus galgá doaimmahuvvot eallinvuoibmeguovddášii vahágis čuoŋvovaš jagi miessemánu loahpa rádjái. (27.6.2025/810)

Ohcci galgá buhtadusohcamuša giedahallama olis bivdaga mielde addit dieduid earánai áššiin, maid doaibmaválddalaš eallinvuoibmeguovddáš dárbbasa ohcamuša čoavdima dihte. (27.6.2025/810)

32 §

Doarjjaohcamuš

Boazodoalu doarjjaohcamušii galget gullat bálgesa oktavuhtadiedut.

Guolledoalu doarjjaohcamušii galget gullat diedut:

- 1) ohccis;
- 2) vahágis ja vahága čuožáhaga árvvus;
- 3) vahátbáikki sajádagas;
- 4) doaimmain, maiguin vahát dehe dan viidun lea viggojuvvon eastit;
- 5) guollegoaskima bessemis;
- 6) ohcci guollegoaskima bessendieđuin máksin goluin;
- 7) ohcci vejolašvuodas oažžut vahágis buhtadusa dáhkádusas dehe eará ákkain;

- 8) ohccojuvvon doarjaga sturrodagas;
9) nohkavaš ja guovtti ovddit vearrojagi áigge ožžojuvvon doarjaga ollislašmearis, mas lea leamaš unnán mearkkašupmi.

33 §

Veahkkemearrádus

Veahkkemearrádusas galget boahtit ovdan veahki oažžu, diedut veahki geavahanulbmilis, veahki mearri, veahki eavttut sihke veahki miediheami, veahki bearráigeahču ja ruovttoluottabearrama ákkat. Stáhtaveahkkemearrádusas mearriduvvo dasa lassin stáhtaveahkkelága 11 §:s.

34 §

Buhtadusmearrádus

Gilvin- ja eallivahágiid buhtadusmearrádusas galgá boahtit ovdan buhttenvuloš vahága kvaliteahhta ja mearri; buhtadusa mearri ja rehkenastinvuoddu sihke buhtadusa ruovttoluottabearrama ákkat.

35 §

Doarjjamearrádus

Goaskima revieraguovdasaš doarjjamearrádusas galgá boahtit ovdan:

- 1) orrojuvvon reviirraid mearri;
- 2) čivggaid buvttadan reviirraid mearri;
- 3) reviirraid mearri, mat leat ránnáriikkain lahka boazodoalloguovllu ráji;
- 4) orokeahtes, muhto guovtti ovddit jagi orrojuvvon leamaš reviirraid mearri.

Diedut buktojuvvojit ovdan bálgesiid mielde sihke bálgesiid ja riikkaid oktasaš reviirrain bálgesiid mielde.

Guollegoaskima bessemii vuodđudan doarjjamearrádusas galgá boahtit ovdan:

- 1) guollegoaskima čivgabeassádagaid mearri, mat leat eanemusat 20 kilomehtera geahčen guollešaddadanlágádusas;
- 2) čivgabeassádagaid gaska guollešaddadanlágádusas;
- 3) guoli buvttadeaddjehaddi, mii lea mearrádusa vuodđun.

36 §

Veahki, buhtadusa ja doarjaga máhcaheapmi

Buhtadusa ja veahki oažžu galgá ájahalakeahttá máhcahit eallinvuoibmeguovddážii meattáhusa vuodul, liiggi dehe čielgasit iħcalis oažžun buhtadusa dehe veahki. (27.6.2025/810)

Doarjaga máhcaheamis mearriduvvo stáhtaveahkkelága 20 §:s sihke veahki máksima gaskkalduhttimis ja ruovttoluottabearramis muhtin stáhtadoarjagiid guoskevaš Eurohpa uniovna njuolggadusaid guoskadeamis addojuvvon lága 1 §:s.

37 §
(27.6.2025/810)

Doarjaga, buhtadusa ja veahki máksima gaskkalduhttin ja ruovttoluottabearran

Barggolašvuohta-, ovdánahttin- hálldahusguovddáš galgá mearrádusainis mearridit buhtadusa ja veahki máksima heaitimis sihke juo máksojuvvon buhtadusa ja doarjaga ruovttoluottaberrama várás, juos:

1) oažžu lea guodđán dieditkeahtta áššis, mii lea leamaš čielgasit váikkuheame buhtadusa dehe doarjaga oažžumii dehe mearrái dehe lea addán das vearru dehe čádjidahtti diedu;

2) oažžu lea guodđán máhcatkeahtta buhtadusa dehe doarjaga, mii galgá 36 § mielde máhcahuvvot;

3) buhtadus dehe doarjja lea eará go 1 ja 2 čuoggás dárkkuhuvvon ákka mielde miedihuvvon dehe máksojuvvon ákkaheamet;

4) Eurohpa uniovnna láhkaásaheamis dat gáibiduvvo.

7 lohku

Sierranas mearrádusat

38 §

Nuppástusohcan

Dán lága mieldásaš eallinvuoibmeguovddáža sihke Barggolašvuohta-, ovdánahttin- ja hálldahusguovddáža mearrádussii oažžu gáibidit njulgema. Njulgengáibádusas mearriduvvo hálldahuslágas (27.6.2025/810)

Nuppástusohcamis hálldahusduopmostullui mearriduvvo riektegeavvamis hálldahusáššiin addojuvvon lágas (808/2019).

39 §

Vuoibmáiboahhtin

Dát láhka boahhtá vuoibmái stáhtarádi ásašusain mearriduvvon áigemuttu.

Go dát láhka boahhtá vuoibmái, de johttáhuvvon áššiide guoskaduvvojit dán lága vuoibmái boadedettiin gustojeaddji njulggadusat, juos Eurohpa uniovnna njulggadusain ii eará čuovo.

Dáinna lágain gomihuvvo ráfáiduhhton hárvanaš elliid buvttadan vahágiid buhttema várás máksinvuloš vehkiin addojuvvon birasministeriija mearrádus (1626/1991) sihke goaskimiid boazodollui dagahan vahágiid buhttemis addojuvvon stáhtarádi ásašus (8/2002).